

中華民國二十六年一月一日

呈  
繳

特准掛號認爲新聞紙類  
警字第三七二二號

第三十二期

一月一日出版

# 國醫正言

劉嘉琛題



國立北平圖書館藏

# 中國改良藥請准



# 專利三十年執照

## 十改良藥

改良藥，係純粹中藥用化學製造成的，共有六大特點。

- 一，中醫處方全能調劑。
- 二，不用煎熬。
- 三，服法便利。
- 四，藥力宏大。
- 五，價目低廉。
- 六，中國所有特效古方成藥，與單味藥品，應有盡有。

## 中國改良藥房

### 附設 戒毒部

專戒鴉片嗎啡等毒特點有  
 六(一) 用清血注射並非  
 麻醉毒劑 (二) 兩日戒除  
 (三) 無絲毫痛苦 (四)  
 戒後保無疾病 (五) 戒後  
 聞烟即厭 (六) 收費低廉

### ▲ 並招收義務戒烟生

(保管速成諸費不受)

## 本中國改良藥房

地址：英租界海大道菜市傍  
 電話：三局一二七四號

# 國醫正言第三十一期目錄

## 一 醫界驚耗

悼曾覺叟先生……………汪士瀛  
弔國醫耆宿曾覺叟先生…天津市中醫公會

## 二 文件

新中國醫學院學生自治會告全國中醫界書

## 三 辨駁欄

上海市國醫公會爲國大代表選舉不平等之呼聲

湖北國醫專科學校校董會「反對衛生署國醫審查規則」宣言並辦法

## 四 論壇

新中國醫學院學生自治會響應一日運動援助綏遠剿匪戰士宣言  
上海市中國醫學院師生聯合會響應各地國醫團體呼籲不平等宣言

## 五 專著

聖方治驗錄（續）……………鄒趾痕

經方實驗錄（續）……………姜佐景

雜病論新詮（續）……………邢錫波

國醫傷寒課義（續）……………陳澤東

傷寒問答（續）……………沈肖卿

傷寒要略（續）……………張蘭亭

## 六 雜誌

咽喉證的研究和治療（續）……………邢錫波

答李漢傑君問病書……………張方輿

七 食物本草專欄（續）……………王維仁

八 社會義務欄

另有本欄目次

# 天津著名中醫一覽表

姓名	門科	開業地點	姓名	門科	開業地點	姓名	門科	開業地點
潘春臺	內科	天津北馬路北海樓內六十號(二層南面)	高樹德	婦科	天津西門內李夫房胡同路	趙佩衡	內科	天津大直沽義和街一四二號
張蘭亭	婦科	天津河東小關大街十九號	華博文	內科	天津西門小夥巷糧店街五號	沈肖卿	內科	天津日租界蓬萊街永豐里
李星樵	內科	天津西頭怡和斗店西燒鍋外胡同二號	張品棣	內科	天津法租界三十號路四十七號	李清泰	內科	天津河北大街脚行胡同四十一號
李恩第	眼科	天津河北關下韓家胡同十號	孫鳴山	內科	天津老站北小郭莊子姚家外台一三〇號	侯繼志	內科	天津南市清和大街八十七號
高俊峯	內科	天津侯家後四合軒胡同路外東四十五號	趙瑞升	內科	天津東門內大街一九一號	陳光藻	內科	天津西北角文昌宮西張家大門西穆家胡同十一號
戚松年	內科	天津河東小集王四胡同十號	王世珍	內科	天津西頭雙廟街二十八號	齊志學	內科	天津法租界綠牌電車道恒和西里四十號
蘇益孫	正骨	天津河東錦衣衛橋蘇家胡同門牌七號	常維銘	內科	天津河北四馬路竹賢北里三號	郭季賢	內科	天津西門內大街鹽店胡同七號
紀良臣	內科	天津東門內石橋胡同南口外門牌十四號	張國棟	內科	天津英租界黃家花園同和里十三號	張椿年	內科	天津西北角南關西街二十九號
王樹森	內科	天津河北大經路呂緯路門外牌十六號	董育傑	內科	天津河北四馬路竹賢北里三號	郝振和	內科	天津河東郭莊子東頭李家台大街十一號
李潤田	內科	天津北門內大宜門口門牌一五七號	閻鳳和	內科	天津西頭掩骨會轉電處德和堂藥店	王允莊	內科	天津西南城角故物市場三十三號
李壽山	內科	天津河東李公樓中街門牌七十一號	許宗彝	內科	天津日租界秋山街二十一號	李鴻儀	內科	天津河北大街竹竿胡同李家大樓六十四號
周和甫	內科	天津東門內舊津道七條胡同一號	王鳳墀	內科	塘沽後新街普安堂藥店	艾茂齋	內科	天津西門南二道橋梁家胡同五號
吳香圃	內科	天津河北新大路新仁里旁科門牌一八三號	鄭清溥	內科	天津法租界天增里宏仁堂藥店	齊聘之	內科	天津河東小集玉珂里旁七科十號
杜曉峯	內科	天津日租界芙蓉街門牌六號	劉金詔	內科	天津河東地道外小郭莊子大街一三一號	王恩普	內科	天津法租界三十九號路慧文里一號
馮秉樞	內科	天津東門內文學西箭道門牌八號	劉松林	內科	天津河北北營門西大馬路外路北松林堂藥店	蔣退齋	內科	天津河東水梯子大街六十號
陳澤東	內科	天津東門內文學東箭道門牌五號	劉國明	內科	天津河北三條石中間路南外興隆西棧二十五號	薛少華	內科	天津西門外大街路北仁記藥局

# 天津著名中醫一覽表

姓名	門科	開業地點
劉鴻鑫	內科	天津河東小關玉皇廟街二號
于金熬	內科	天津西南角塘子胡同三十號
費子彬	內科	天津東馬路崇仁宮二十七號
王文瑞	內科	天津英租界十號路樹德里十四號
華仰文	內科	天津西頭小夥巷糧店街五號
周元璧	內科	天津日租界秋山街鼎新里十二號
曹桐軒	內科	天津河東李公樓前街桐牛堂藥店
閻興第	內科	天津河東水梯子大街三義堂東胡同一號
孫恩煜	內科	天津河東糧店街五十三號
趙少廷	內科	天津特二區大馬路四十九號義善堂藥店
黃克明	內科	天津特一區大營門武昌路全昇里一號
王春芳	內科	天津西頭太平街路南十七號寶德堂藥店
張廣生	內科	天津河北大街小紅橋一〇一號廣生堂藥店
韓子信	內科	天津西北角文昌宮前王家胡同五號
戴世棟	內科	天津河北關下募安寺西三官廟大街三十號
馮桂林	內科	天津西頭場院西一號和合堂藥店
奚廷驥	內科	天津南開楊家花園北鴻源里四十四號
梁德春	內科	天津東北角馬聚元帽店旁二一二號
楊世祥	內科	天津東南角東小紅橋東二街十一號
高少雲	內科	天津西門內大街路南三十號同仁醫社
高幼雲	婦科	全前
張夢生	內科	天津法租界二十七號路華里九號
張樹翰	內科	天津估衣街歸賢胡同七十一號保安醫社
王瑞麟	內科	天津西頭南閣東路北門牌一號
康靜軒	內科	天津河東糧店後街五十三號
李野夫	內科	天津河東義租界大馬路西頭十九號
田壽昌	內科	天津河北大街二八六號通義店十九號
王世鈴	鍼灸	天津南門西板橋胡同八十一號
胡煥然	內科	天津北鄉李家嘴街東
趙潤山	內科	天津侯家后四合軒仁壽堂藥店
李清臣	內科	天津河北三條石橫街口四十六號
常春林	內科	天津法租界二十六號路安懷里十一號
張丙寅	內科	天津鼓樓東大街廣業里二號
張潤生	內科	天津侯家后前街梁家胡同七號
倪汝丹	內科	天津河北關上大街三號
田熙元	內科	天津城內丁公祠西葫蘆罐十七號
杜宗昌	內科	天津北馬路閩粵會館西玉盛永
曹承蔭	內科	天津河東小關大街二十三號聚隆藥店
李恩綽	內科	天津東門內大街路北謙益里二號
吳雨蓀	內科	天津西頭老老廟大街吳家胡同八號
蘭同三	兒科	天津估衣街崇德里二號
張雅菴	內科	天津鼓樓南大街五十四號
郭星彩	內科	天津北門外侯家後胡家大院十一號
薛筱華	內科	天津特二區于廠蘇刀舖胡同六號
朱壽嵩	內科	天津特二區邱家胡同三號
趙東昇	內科	天津河北關下三官廟東十號
鄭汝錫	內科	天津南開太平里二條胡同義善里二號
解省三	內科	天津河北大胡同東大街

# 天津著名中醫一覽表

姓名	門科	開業地點	姓名	門科	開業地點	姓名	門科	開業地點
朱世恩	內科	天津東門內大街大費家胡同路西五十號	曹善齋	鍼灸	天津南市榮業大街西倪家台十八號	李蘭波	內科	天津河東糧店街五十三號
宋子政	內科	天津河北月緯路西口十五號	許恩第	內科	天津南市東興大街消防隊西四十九號惠民醫社	王晉齋	內科	天津南門外榮慶大街西口十五號
牟世珍	內科	天津英租界菜市西一六六號中國改良藥房	王雲舫	內科	天津南市華安大街一八八號	趙晦堂	內科	天津河北昆緯路同善里一三號
王仲揚	內科	天津河北關上拾埋會所前九號	張潤泉	婦科	天津河東小關大街十九號嬰濟生堂藥店	梅竹峯	鍼灸	天津侯家後小馬路一八八號
劉德旺	鍼灸	天津河北營門東大馬路路南二十八號	李子明	內科	天津英租界首善街安仁里十號	陳相周	內科	天津西頭掩骨會轉電處路南四號德和堂
趙鴻壽	婦科	天津河東小關玉皇廟街二五十五號	劉伯山	內科	天津法租界華中路信記銀號	宋修如	內科	天津英租界黃家花園同和里同和堂藥店
周炳文	內科	天津英租界五十四號路渠科錦里八號	邢文彬	內科	天津西門內城隍廟街路東十九號	苗秀生	內科	天津法租界綠牌電車道祥雲里一號
李秉璋	內科	天津河北三馬路二十一號	谷彩岩	內科	天津河北關下韓家胡同二十三號	王錦和	內科	天津河北三條石大街一八三號
梅竹峯	鍼灸	天津侯家後小馬路一八八號	王文錦	鍼灸	天津北馬路龍亭西箭道興順里內二號	劉紹庭	內科	天津河北大街石橋西六號
陳相周	內科	天津西頭掩骨會轉電處路南四號德和堂	常恩波	內科	天津侯家後中街東口十四號	周硯峯	內科	天津河北大街十橋東街八號
宋修如	內科	天津英租界黃家花園同和里同和堂藥店	王香圃	內科	天津侯家後中街太山巷東八十五號	劉錫光	內科	天津西頭慈惠寺後韓家胡同四十七號
苗秀生	內科	天津法租界綠牌電車道祥雲里一號	單毓賓	內科	天津河東興隆街一二三號	黃振彬	內科	天津西頭慈惠寺後韓家胡同四十七號
王錦和	內科	天津河北三條石大街一八三號	韓子卿	內科	天津西頭太平街崇樹胡同四號	劉錫光	內科	天津西門南二道橋小南街十七號
劉夢僧	鍼灸	天津河北大街石橋西陸福里八號	左秉鏞	內科	天津西頭慈惠寺後韓家胡同二十九號	左秉鏞	內科	天津西頭慈惠寺後韓家胡同二十九號
楊方郁	內科	天津南市清和大街七十八號	方永達	內科	天津南市慎益大街西口二號	方永達	內科	天津南市慎益大街西口二號
宋子明	內科	天津河北三條石東口八十八號	楊方郁	內科	天津南市清和大街七十八號	宋子明	內科	天津河北三條石東口八十八號
朱佩芝	內科	天津東門內二道溝西辛家胡同八號	朱佩芝	內科	天津東門內二道溝西辛家胡同八號	朱佩芝	內科	天津東門內二道溝西辛家胡同八號
馬潤芝	鍼灸	天津侯家後中街二十四號	馬潤芝	鍼灸	天津侯家後中街二十四號	馬潤芝	鍼灸	天津侯家後中街二十四號
趙晦堂	內科	天津河北昆緯路同善里一三號	趙晦堂	內科	天津河北昆緯路同善里一三號	趙晦堂	內科	天津河北昆緯路同善里一三號
王晉齋	內科	天津南門外榮慶大街西口十五號	王晉齋	內科	天津南門外榮慶大街西口十五號	王晉齋	內科	天津南門外榮慶大街西口十五號
李蘭波	內科	天津河東糧店街五十三號	李蘭波	內科	天津河東糧店街五十三號	李蘭波	內科	天津河東糧店街五十三號
李蘭波	內科	天津河東糧店街五十三號	李蘭波	內科	天津河東糧店街五十三號	李蘭波	內科	天津河東糧店街五十三號

## 醫界驚耗

### ▲悼曾覺叟先生

汪士瀛

先生爲我國醫界主持正誼力闢邪說之創導者，籍衡陽，清庚子辛丑併科舉人，憤清政墮落，慨然有陰求奇士謀種族革命之志，與梁任公講學三湘，文章道德，早爲人重，且精通內典，晚隱於醫，凜然有節操，不苟同流俗，不畏攝權貴，醫名被於全國，民二十年，中衛部頒行中華藥典，先生憤其用夷變夏，數典忘祖，乃爲之批評曰：「人亡吾國，而文化國粹未亡，人心未死，猶可復興，今人未亡吾國，而吾國先自亡之，國尙有不亡者乎，此書雖係前中衛編輯，而頒行則今之中衛部也，使中衛諸公而非中國人也吾又何責，否則縱不爲自身計，寧不一念及祖宗兒孫乎，昔陶靖節先生於晉室已亡之後，尙不忍用宋之年號，而以甲子代之，此可望之賢者，而非敢望於諸公，然今者中國固尙未亡也，諸公雖以亡國滅種爲其無上天職，亦何妨少緩須臾，何必亟亟建教以號於衆乎，賢者縱不可希，而對於婦孺之能愛國者，亦甚可愧也，」如對於前行政院長汪精衛之提議消滅中醫也，則辭而闕之曰：「汪院長既爲國民代表，即當以國民之心爲心，總理以天下爲公，汪院長寧獨忘之耶，小民之生命，固等於螻蟻，而藥資一項，每年漏卮，不下數十萬萬，中國雖地大物博，何以堪此，總理嘗謂，經濟侵略，足以亡國，汪院長爲總理信徒，獨未知之乎，如知之而故蹈之，則其用心，更不能測矣，自維新以來，提倡歐化，不遺餘力，遺經廢而道德圯，法律更而宗法壞，對於總理

發揚國粹之遺訓，已視若弁髦，即此碩果僅存之國醫國藥，留爲民生之保障者，亦不容其存在，而抱蔓以歸，總理有知，不知若何痛恨矣，」先生伸張正誼，發爲文辭，不爲淫威所震攝有如此者，求之濁世，有幾人哉，先生治醫，惡標新學，嘗曰，中國醫學之根本在哲學，其範圍則包括科學，又不能責其盡合科學，其根本既在哲學，則不能僅限以科學，平生嫉惡如仇，如余岫雲之作靈素商兌，推翻靈樞素問也，則著論攻闢之，陸淵雷之述傷寒今釋，破壞六經六氣也，則遺書忠告之，憚鐵樵之著溫病明理詆毀葉吳學說也，則爲文辨正之，口誅筆伐，大義凜然，章太炎氏，國學宗師也，其序傷寒今釋有「醫以療病爲任，得其療術，即原因亦不可問」之語，先生恐其言僞而辯，足以喪道，亦致書詰責，去歲中館審查病名草案，因與陳无咎氏大啓爭端，手撰文字，盡公佈於海內醫誌，是非得失，後世自有定評，而先生衛道之心，固可昭諸日月，嗚呼，先生逝矣，可以蓋棺論定矣，先生嘗懼晚節之難維，曾函勗章太炎氏云：「古人謂行百里者半九十，甚言晚節之難，方今環境險惡，爲古今所未有，而對於我輩尤甚，苟無百折不回之毅力，未有不隨之浮沉，喪其所守，以僕之才力聰明，若稍變其志趣，未嘗不可得高官厚祿，驕其妻子，然艱難困苦而不悔者，實有所不忍與不敢耳，」懿行嘉言，後人表率，今者老成凋謝，醫界同悲，哲人云亡，吾道之失，平當醫潮澎湃之秋，而中流砥柱之宗師，遽忽促以歸道山，又豈僅吾國醫界之損失耶，本月十二日，余往晉謁，先生偶櫻外感，方圍爐擁被，然精神矍鑠如常，談及教育部不許中醫立案一節，猶義憤填膺，云已代湖南醫專學生自治會擬上蔣委員長書，立爭此案，時欲取原稿與余閱，而兩臂無力，不能舉，翌日聞蔣委員長受困西安，大叫昏絕，經家人呼醒，痛哭不止，頻呼有蔣公則有中國，有蔣公則有



中醫，今蔣公蒙塵，是天喪吾國與吾醫也，衰顏慘淡，老淚飄蕭，彌留時，神志冷然，遽赴海山僊館，享壽六十有七，精昭日月，氣壯山河，嗚呼，先生其逝有所歸耶，此後則青山黃土，鬱鬱孤城，遺像空存，靈光空接，爰週其崖略，聊塞余懷之孔悲云爾。

十二月十六日脫稿在長沙中醫週刊編輯室

### ▲弔國醫耆宿曾覺叟先生

湖南曾覺叟先生爲儒士英俊國醫名宿對於闢駁國醫之邪說抵抗西醫之傾軋不遺餘力國醫之學說賴以正國醫之性命賴以存真國醫之柱石也陡於本月十三日聞西安事變委座被圍即氣急昏倒經家人呼救得甦旋又大哭而言曰蔣公在而中國在蔣公亡而中國亡蔣公在而國醫在蔣公亡而國醫亡云云說罷又痛哭一日不進飲食翌日晚十時遂溘然長逝矣噩耗傳來本市之國醫聞之無不悲惜遂訂於本月二十七日午後二時在本市中醫公會開追悼會到會者二百餘人皆誠敬行禮極其悲痛至四時閉會並將誄文輓聯郵寄其家以表同道哀敬之義茲將原文錄布如下

### ▲誄文

覺叟先生以清末名儒精通岐黃正學性情剛毅志趣不羣巍然抱建造頹國救濟同胞之願文章盛天下氣節壯山河誠不世出之人也源素未謀面聞而慕焉早欲登龍請教藉開苑茅惟機緣不遇未能償願旋見山西醫學雜誌刊載

先生之學說尤觸源企慕之愚衷適做市國醫同道擬組刊物名曰國醫正言推舉源爲主編惟自揣不能勝任而又義不容辭乃在進退難決之際忽念及如得

先生援助當不致折足覆餗也遂投函敦聘

先生爲做刊導師豈料蕪函一上竟蒙 慨允大塊文章片片頽來較之傾蓋如故者尙形親暱做刊學說爲之增光做市醫風爲之立志今秋當國大選舉代表時曾致

先生一函訂選吾兩人若皆當選在南京相會面領 教言以挽國醫之頹敗孰意西醫把持政權竟將國選大典濫予顛倒所言當選代表之事竟成畫餅致夙約未能如償此亦天不助人之恨事也源因辦理選舉繼又因衛生署函致地方辦理國醫登記換證各事勞錄憤懣感受風寒亦致小恙是以許久未能修函請 教孰意先生竟棄世人而長逝矣嗚呼痛哉念斯世人情之詐僞國醫學術之虛謬西醫侵略之凶殘微先生其誰能矯之誰能整之誰能抗之此蓋吾國不幸之大數已極也茲與

先生約今生既不能晤面共定維持國醫之大計待來世相會再結同心之交可耳臨穎涕泣難盡欲言先生在天之靈其洞鑒之哀哉

教弟河北天津陳曾源頓首哭獻

### ▲輓聯

道德其淪乎文章其喪乎哲人其萎乎彼蒼天悠悠其無極空存正氣  
岐伯已亡矣仲聖已沒矣此老已逝矣吾中醫夢夢向何人再覓真經

天津市中醫公會敬輓

## 文 件

### ▲新中國醫學院學生自治會告全國中醫界書

(1) 全國醫界聯合起來組織全國國醫公會

(2) 全國醫學校學生自治會聯合起來作有力的後援

(3) 力求中西醫的平等待遇

南京中央國醫館；上海市國醫分館，上海市國醫公會；暨各省市國醫學院；國醫學院學生自治會；國醫團體均鑒：在一個二十世紀時代的潮流中，廢止中醫之呼聲，固無日無之，而多數出於西醫方面，提倡中醫之事，亦時有所聞，則皆出於偉人，蓋中醫雖存在，而其地位每日低落，無偉人為之提倡，將不知伊於胡底。蓋偉人之主張謂國醫國藥，已有數千年之歷史，早佔宇宙之一角，在西醫藥未輸入前，國人治病，惟此是賴，且學術深邃，亦復代有聞人，若謂國醫不能治病，則中國人口早無噍類，何以至今仍有四萬萬之多，一旦廢除國醫國藥，不但國粹淪亡，而純粹採用西藥，則每年金錢流出，將更不可數計，國民經濟損失尤鉅，豈愛國志士，所宜出此。幸今歲厄運亨通，萬民仰望之中醫條例於一月二十二日我政府毅然公佈，是與民族共垂不朽之中醫，始得國家正式之認可，而與西醫立於平等之地位，海內醫界，莫不喜形於色鼓舞歡忻，若久旱之逢甘雨焉。此非我行政院勞苦功高之蔣院長之努力復興民族之精神，提倡固有文化學術，曷克臻此，具見痼瘼在抱，

關心國粹，匪特使國醫基礎奠立，實爲利國福民之計，風聲所播，薄海騰歡，屬知事有大謬不然者，此次頒佈之中醫審查規則，則又與頒佈之中醫條例，大相逕庭，背道而馳，查頒佈之中醫條例內載「具有左列資格之一者，經內政部審查合格，給予證書後得執行其業務」。洞察其意，攷其詞章，是中醫之證書，應由內政部發給，蓋彰彰明甚，惟此次頒行之中醫審查規則附錄之內載「審查給證事項；有「暫由中央主管機關授權地方政府辦理」；及「中醫證書由地方政府照定式印製使用證書署名爲有政府主席市長或管理專員等」字樣，出乎爾；反乎爾；前後不相應，矛盾甚矣。孔子曰「自古皆有死，民無信不立」，語焉而不求實踐，良可慨也。反觀西醫之證書，無不由乎內政部發給，同一醫也，何厚於彼而薄於此，吾國醫同志，其覺之乎！如已憬悟，則此次審查後，應一致聯絡奮起，請求改發部照，庶「名正言順」，此其一也。

按中醫條例內規定「中醫須由學校畢業，自條例公布之日，各學校相繼向教部立案，遲遲至今，仍如無緒亂絲，非特未聞我教部允許任何中醫學校備案，更未聞我政府將中醫學術列入教育系統，如此而欲求中醫須學校畢業，無異使巧婦爲無米之炊，則由學校畢業之中醫，從何而來。夫以一種醫術而被擯於教育系統之外，不得與西醫同等待遇，則難免世人輕此重彼，望望然去之矣，國醫人才將繼起無人，而斯道必愈陷於式微之境，其危機豈非千鈞一髮者耶！望全國國醫團體；國醫學院；國醫學院學生自治會，團結奮起，作一最有力之聯合會呈請政府從速將中醫學術加入教育系統，以便教部准許各地之醫學院立案，庶造成俊秀之良材，以綿續國醫之命脈，此其二也。

衛生行政，乃以近代醫學之知識，加以政治之運用也。其所負之使命乃担任傳染病預防法，死

亡率調查與統計之工作等，試問今之中醫界負此責任者能有幾人，無怪乎衛生行政假手于西醫。倘吾國醫界同志能急起直追，根據科學，研究國醫藥，日新月異，則自能担負衛生行政之工作，此其三也。

目前各地中醫，其資格之複雜，良莠之不齊，無容諱言，不堪聞問者，其人數之多，則超過正式有學問有經驗之純粹醫學家，不啻數倍，中醫界多一僞醫，則中醫之全體必受其影響。爲自行健全計，應請政府履行頒佈之中醫條例第一條之第一項；從速舉行中醫嚴密之考試與甄別，學校應招何等程度之學生，醫生有何等資格可授生徒，皆應審查精確，不惟國粹醫學，易於發揚光大，即民命衛生，可以大改舊觀此其四也。

一片散沙。是孫總理說吾國國民無聯合性，無合羣心，即以吾國醫界視之，可爲明證，當民十八時，曾有全國醫藥聯合會之發起，不期曇花一現，遽爾分崩離析，彼若西醫之有全國醫師公會，世界醫學會，極度表示其聯合性合羣心之強，吾國國醫界對之能無愧乎；本會有鑒於此，特登高一呼，甚望全國醫界同志急起組織一實力濃厚之全國國醫公會，全國醫學院組織學生自治會，督促學院當局編輯適於現代科學代之國醫書籍，實行國醫革命，以冀加入教育系統，蓋非科學化則不能加入教育系統，此其五也。

總此五端，亦可以瞭然國醫之聯絡，爲刻不容緩之事矣。蓋國醫不聯絡，即不能掙扎於現在之世界潮流中，雖有提倡于上，亦恐不免於亡，一人喋喋，不若衆口之嗷嗷，羣策羣力，衆志成城，望全國醫界努力以赴，國醫前途，實利賴之。

上海新中國醫學院學生自治會十一月十八日  
地址 上海公共租界愛文義路王家沙花園路十九號新中國醫學院內

丁福保 謝利恒 陸淵雷  
 祝味菊 朱少鴻 王一亭  
 介紹

名醫江陰曹穎甫先生著

▲金匱發微 ▲傷寒發微

先生為海內耆宿，詩文書畫，名重當代，醫術宗法張長沙，歷任上海中醫專門學校等教務主任，先生以傷寒論一書，為千古治病準繩，嘗以數十年研究心得，及歷來治病經驗，闡發精義成傷寒發微一書，學者爭先購訂，現擬再版，先生復以注釋傷寒之法，成金匱發微，刻已出版，無論初學及已行醫者，備此二書，則研究參證，有左右逢源之樂矣。

門人

丁濟萬 王慎軒 陳存仁 許半龍 章成之  
 沈石頑 虞舜臣 王一仁 秦伯未 張贊臣

校訂

金匱發微用西式裝訂布面金字都十餘萬言合訂一大厚冊每部實價三元若同時購傷寒發微者每部祇收半價國幣二元以示優待西另加郵費每部一角三分  
 上海寶山路頭福里六九號光華醫學書局 上海梅白格路二〇四號醫學書局經售

## 辨駁欄

### ▲上海市國醫公會爲國大代表選舉不平等之呼聲

上海市國醫公會近爲國民大會自由職業團體代表選舉事務所對於中西醫團體候選人之推選政令兩岐待遇不公發出通告將本案經過情形宣布以答會員之質問茲將該通告原文探錄如下……。

逕啓者近數日來承本會會員紛紛先後來會質問「國民大會自由職業團體代表選舉事務所對於中西醫候選人之推選政令兩岐待遇不公」何不據理力爭有請公布實在經過情形者有請仿西醫放棄選舉者甚有不加思索疑係西醫在幕後策動者見智見仁羣相詰責不得已祇能以較多主張爲主張將本案經過情形約略宣布如左

(一)五月十九日以國府頒布之國民大會選舉法自由職業團體代表名額表內(醫藥師團體八名)國醫應有名額幾人呈請市黨部解釋(當時選舉事務所尙未成立)(二)八月六日奉到國民大會上海市代表選舉事務所第三號通告略謂……中西醫藥師自應包括在內……自應混合選舉不必再行分配名額等因同人等認爲遵守法令未便有所疑慮(三)不意西醫於此時忽有不滿於混合選舉之宣言甚有差與中醫爲伍全部放棄選舉之詞不但出諸於口抑且宣諸報章同人等聞見之下微諸既往即以未來爲慮然事有出人意料者傳聞西醫代表晉京返滬後對於前之不滿於混合選舉差與中醫爲伍者一轉瞬間忽焉改變於八月二十九日下午一時在莊嚴監督之下欣欣然與中醫混合投票推選候選人矣當日本會亦遵奉上

海市代表選舉事務所之皇皇訓令以執行委員爲推選人計全體共二十一人同時出席同遵指定手續投票當時精神非常整肅而心目中則有深以西醫前後言行迥相不同爲異者有以爲畢竟受過科學洗禮方能捨己守法爲羨者（四）事前於八月二十四日本會對於選舉法二十條稱行政機關之職員是否指執行委員抑或指常務委員電請南京國選總事務所解釋後見報載總所解釋西醫團體以執行委員爲職員則本會組織與西醫公會完全相同同爲委員制同有常務有案可稽不容或疑執政者大公無私於前決不致厚彼薄此於後況徵諸二十九日混合投票情形而益信且有深悔前次請求解釋爲多事也（五）九月十二日距離投票已過去十四日忽接南京國選總所政令兩岐中西醫待遇不同之西電細譯電意則西醫以多數執行委員爲推選人中醫則以少數常務委員爲推選人耳如是計算則將來推選結果中西醫當選者之得票數目可以不言而喻法當無偏偏者非法混合其名限制其實固不獨中西醫待遇上之不公而已也然同人等猶有謂法令不追既往選政決無前後矛盾之理本市及其他各地之遵照選舉事務所之規定而已經執行委員投票諸選者總不致破律取消充其極祇能束縛尙未推選之各中醫公會耳（六）九月二十日接南京國醫公會電告略謂九日京市舉行推選臨時忽奉訓令限以常務爲推選人且謂各地國醫在前已經推選候選人之各理事各執行委員票權一律取消而西醫仍照全體理事或執行委員計算故國醫落選無疑云云同人等接電之下靡不驚惶失色相互討論猶疑傳聞之或誤迺即連夜工作於翌日（九月二十一日）公電南京總事務所及上海分事務所轉請秉公辦理中西醫待遇務乞平等蓋恐不平等之推選勢必混而不合選而無舉不平等之結果勢將全國中醫無一人幸中以眼前測將來與諸會員之見解同也（七）奉復略謂……現已過期所有各該團體對於執行職員疑義除前已解釋案飭遵在外（即西醫可以執行委員而中醫祇准常務）（



簡言之西醫一票可抵中醫四票再簡言之中醫四人不敵西醫一人不必續予解釋……等因總之中西醫團體之組織相同委員制相同有常務委員亦相同在法律上在情理上則中西醫推選之執行職員亦應彼此相同一視同仁始得謂公故九月以前上海市及其他各地選舉分事務所依據法令斟酌實情指揮中西醫推選之時亦均一秉至公（中西醫均以執行委員爲推選人有案可稽）惟有九月十二日南京總事務所解釋西醫於前者如彼（惟西醫可以數多之執行委員爲推選人）解釋中醫於後者如此（惟中醫祇能以數少之常務委員爲推選人）前後法令兩歧彼此見解不同而對於此所以兩歧所以不同之原因與理由既無曉諭自費猜疑究竟是否爲法令所限制抑係環境所促迫惜乎同人等昏瞶自劃悔未跟蹤於西醫代表之後向當局爲預謀之請願此則須向會員表示我過者也（八）國醫落選事小選政尊嚴事大會員諸君所關心者恐同人之徒黍厥責而同人所斤斤者爭國府通過中西醫平等待遇之實在可得失不繫一旦是非難逃百年事實勝於雄辯視指嚴於斧鉞同人等刻正從事於法的研究預備爲最後努力務希來會諸君暫寬視指靜待事實而本會會員中之未悉本案顛末者亦必不少爲特宣告如上幸垂鑒焉

上海市國醫公會執行委員公啓

### ▲湖北國醫專科學校校董會「反對衛生署國醫審查規則」宣言并辦法

（1）反對之理由，已見於本省國醫公會代電。

（2）本文辦法，即篇後所列之請願。

（一）本宣言鑒於汪前院長致立法院之私函，蹂躪中醫，（二）中醫條例公佈，由前迄今，教

育部不許中醫學校之備案，在該部對於學校設立，下至盲啞，劇戲，等學校，皆與以許可，獨至國醫，則千方阻撓而不許，其消滅中醫之心，昭然若揭，（三）衛生署，在公佈之中醫條例中，取內政部而代之，欲以審查規則之力，消滅中醫，本此數者，今爲駁論，宣告於國人，其論如次。

- 一，蔑視社會之苦痛
  - 二，毀棄祖宗之歷史
  - 三，紊亂立法之統系
  - 四，撓害國家之經濟
  - 五，狎侮馮中委等，及玩弄中醫等。
  - 六，戕賊學生學術之進步。
- 一、史載張仲景爲長沙太守，活人以萬計，而不爲良相願爲良醫，且代有名言，此皆在未有西醫以前，中醫於社會上，痼瘼乃身，疾苦在抱者也。今西醫之功，直接未及於一鄉一邑，而消滅之手段，間接已貽害於億兆億人，社會本望治於政府，作政綱之一目，今政策，乃推社會於苦海，不憚爲政綱之解紐，忘六馬朽索之戒，逞一系狼狽之奸。
- 二、黃帝以來，誰非瓜瓞，內難諸經，在哲學上有不朽之立德，在歷史上，醫意相傳，尤有不朽之立功，今以少數人之私心，欲毀四千年之歷史，何異於掘祖宗之墳墓，忘追遠之聖言。

三、考政治原理，法律可以變更命令，命令不可以變更法律，中醫條例，經立法院通過，經國府公佈，是法律也，審查規則，雖經院部議准，未經立法變更之手續，是政令也，衛生署，以向來阻撓中醫之心，推去內政部而代之，行狙公朝四暮三之詐，與教部爲山崩鐘應之巧，紊亂立法之統系，破壞國家之軌物。

四、國醫，在國民經濟上，爲資生之大源，在今日統制經濟上，尤爲財政之大本，然國藥之來，源於國醫，若國醫墜於深淵，則國藥必棄於道地，尤有進者，國藥棄置，卽西藥漲上，於是乎，經濟上國家減財政之徵收，而舶來品西藥增加其輸入，絕國民生計之源，以助西藥壟斷之勢，此皆西醫一派，鋤除異己者，最毒很如「托辣斯」，朋比西藥商，促威勢於「賣獨占」。

五、馮中委玉祥等提案，以中西醫平等待遇爲案由，而中醫條例因之公佈，乃中醫條例，（第一條第三項）明明有中醫學校，而教育部則百方尼之（不許中醫學校備案）中醫條例，明明系於內政部，（第一條第二條）而衛生署則術取而代之，於是乎，教部一方，則不許中醫學校備案，自根本消滅中醫，而衛部一方，審查規程，用手段消滅中醫，必須醫校畢業，如此滑稽，令馮中委等提案之苦心，去如逝水，自相矛盾（即教部不許醫校備案而衛部必須醫校畢業）將中醫等，玩之於股掌，不平之鳴，何以堪此。

六、比年以來，恫國粹之淪喪，悲社會之苦痛，莘莘學子，欲以所學之哲理，所希之事業，並中醫之改進，垂帶而厲，一日千里，今教育部，則自根本沮撓之，而衛生署，復以手段破

、壞之，是無異俾刃而縛足。一以戕其向學之心，一以絕其邁進之路。

由上一之說，漠視社會，則社會與政府，將呈分崩離析之象。

由上二之說，數典忘祖，將貽友邦之譏。

由上三之說，則法律命令，統系隨於運動，將有口銜天憲之禍。

由上四之說，貽誤國民，妨害經濟，雖總理標榜民生，而若輩乃曲致民死。

由上五之說，則馮中委等提案之苦衷，不足輕重，令國家之柱石，將於是而寒心，而中醫等受

其侮弄，連鎖社會，亦將於是而離德。

由上六之說，剷除中醫一系，則黃帝之靈泣於天，而醫理之哲絕於世。

同人等有鑒於此，誓與我職業而偕亡，不依此規則而求活，爰擬辦法如左。

一、全國醫藥界，組織請願團，請願於國府，暨中央政務委員會。

二、每省由國醫公會，推出一人，醫校推出一人，醫界華僑，聽自組織，為請願代表。

三、請願照「中醫條例」，仍隸於內政部。

四、請願廢止該項審查規程，俾中醫不立於（破壞中醫者）衛教兩部之下。

湖北國醫專科學校校董會全體董事公啓地址武昌涵三宮四十二號

照抄教育部致夏靈炳先生函一件

靈炳先生惠鑒頃奉 雪艇先生轉示

台端關於湖北國醫專科學校請予備案函一件敬悉

先生提倡固有醫學欽佩莫名惟現在教育法規中尙無設立國醫學校之規定關於各處國醫學校備案一節部中以格於此項法規未能強予通融此種困難情形當爲先生所鑒諒也僅代佈意祇頌

勛綏

弟黃建中敬啓十月三十日

雪艇先生並囑致候

照抄中央國醫館湖北省分館訓令一件

中央國醫館湖北省分館訓令

館字第

262

號

令湖北國醫專科學校

案據該校本年十月八日呈送章程等件請轉

中央國醫館轉咨

教育部備案等情當即於同月二十日備文連同附件轉呈

中央國醫館茲奉

中央國醫館本年十月二十九日指令第四九八一號內開：

呈件均悉據轉送湖北國醫專校章程等件呈請轉咨教育部備案一節查教育部對於中醫設校向

主張嚴格取締目前尙無商量餘地所請轉咨備案之處未便照辦仰即知照此令附件存

等因奉此合亟令仰知照——此令

# 醫學家張贊臣主編 醫界春秋 是國醫界倡導革新的唯一的月刊

出版九年。風行中外。以科學的方法來整理我國固有之醫藥。資望最老。信用最著。以真正的態度來評判中西學說之優劣。

**彙訂** 第五集 第六集 第七集 第八集 **全書四厚册** 發售特價合購四册 另送月刊全年一份

本刊始創於民國十五年四月。迄今九載。發行以來。從未脫期與停頓。信用卓著。有口皆碑。且對於歷年之國醫運動事業。如力爭中醫列入學校系統及反對廢止中醫案參加中央國醫館等。莫不首先奮闢。故久為社會人士所稱道。銷數遂為之日增。回憶昔年第一集彙選。及第二。三。四。集彙訂等。出版未久。即告售罄。茲因各地同志之需求。特將第五。六。七。八。年之月刊搜集彙訂。分裝成册。共計四集。分列下。

- 【第五集】係集合第四十九期起。至第六十期止。即第五年份所出版者。
- 【第六集】係集合第六十一期起。至第七十二期止。即第六年份所出版者。
- 【第七集】係集合第七十三期起。至第八十四期止。即第七年份所出版者。
- 【第八集】係集合第八十五期起。至第九十六期止。即第八年份所出版者。

以上每集原售實價大洋二元現為優待起見一律再打九折

### 內容舉要

：論壇。學說。專著。藥物。研究。討論。筆記。醫案。特載。治療。實用驗方。醫藥雜錄。問答。通訊。醫訊。餘興。附錄。文苑。等欄

### 發售特價

：凡購買以上彙訂。不論何集。概照原售實價(每集)洋二元。再打九折。郵費奉贈不收。以示優待。

### 贈送月刊 全年一份

如能同時合購彙訂四全集者。祇收實價大洋六元四角。另行送閱第九年份月刊全年十二册一份。(自第九十七期起至第一〇八期止)又價值大洋一元之「世界醫報彙訂」二大册。若單購一集者。月刊醫報不贈送。合購全書四册者國內須另加郵費六角。國外郵費三元。如單行定閱月刊全年一份者。連郵大洋二元。不折不扣。如此良機。幸勿失之。

**總發行所** 上海白克路西祥 **中國醫藥書局** 康里第七十七號

## 論壇

### ▲新中國醫學院學生自治會響應一日運動援助綏遠剿匪戰士宣言

錦綉的山河，民族的生存，祇有靠着自已民族的頭顱和鮮血才可以保持的。在前線的戰士，應負起守土的天職，可是在後方的民衆，應當作一種有力的援助，才不負國民的義務。

現在綏遠的戰爭已經爆發了，我們的勇士們，將往日憤恨的心情，寄託到他們的槍口上去，同時他們知道，只有抗戰才是我們中國的出路，只有鐵和血才能換取我們民族的生存。所以在這嚴寒風雪的當中，他們是不怕一切艱難，與匪僞周旋於疆場上了。

我們在後方的人們，作什麼有力的援助？——精神援助，物質援助——雖然說是我們因爲事實的關係，不能到前線上去，但我們可以用經濟的力量，去減少他們的飢寒，用熱情心緒，來鼓勵他們的勇氣。所以我們響應了一日運動，將所集財力，來援助我們奮勇的將士，同胞們！興起吧！不要再執迷不悟了。

上海新中國醫學院學生自治會啓十一月二十一日地址：上海愛文義路王家沙花園路新中國醫學院內

### ▲上海市中國醫學院師生聯合會響應各地國醫團體呼籲不平宣言

全國關懷國醫藥的同道們！快奮起吧！快來爲吾們四五千年民族產下來的結晶圖光明，快來替

吾們祖先遺下來的精血圖繁榮，更快來爲吾們寶貴的國醫國粹爭生存，爲整個民族的生命爭保障，爲數十萬的國醫藥同道們掙扎求出路，要知道吾們一向抱秘傳的國醫學術，一向不宣傳而與社會隔膜，國醫學術，處在萬事科學的潮流中，始終爲一派不知就裏一味洋派的準洋大人所攻擊鄙視，吾們國醫的地位，遂不容抬頭，至今將陷於最危迫的境遇，同道們！快一致起來吧，替吾們光榮的國粹努力，以求吾們民族文化復興和存在。

可記得中華民國十八年『三一七節』國醫難的時期，中央衛生行政委員會竟擬將中醫中藥廢止，當初若無全國上下一致奮起的精神，和明達者努力提倡的結果，吾們國醫藥的前途，將不知伊於胡底，再若無吾們蔣委員長之能瞭解國醫真諦，及關心民族文化的復興，安能有今年一月二十二日政府頒佈國醫條例的一日，安能有吾們國醫地位奠定的一日，不過吾們自從受了『三一七』時期打擊而蘇醒後，領導國醫界的先知者，深感師徒相傳，墨守成法之短，欲求革新國醫，整理學術各地多紛起創設學校，從事改進，是吾們自己已在開關光明的大道，一掃向來紛亂無統的積弊，今春國醫條例頒佈後，吾們已經創立之國醫學校，自當尊重國家立法，遵照條例，向教育部請求備案，但迄今時將一載，毫無動態，全國國醫界，方在仰體政府旨意，努力改進國醫學術，但未聞教育部有加管理的行動，近見衛生署公佈中醫審查規則，內第三條說：『中醫條例第一條第三款所稱，中醫學校，指經教育部備案或各地方教育主管機關立案者』，條例中規則中既有如是的規定，那末吾們國醫學校，只消依照普通學院所規定的備案資格，即可請求教育部備案，那料最近湖北國醫專科學校依法請求，教育部竟予駁回，悍然擯吾國醫學術於教育系統之外，是立法院規定有中醫教育，而



教育部反不欲管理中醫教育，行政不願立法，真乃咄咄怪事，竊思中醫條例頒佈後，在理教育部照立法旨意，應不待吾們的請求。即該自動調查，使中醫教育加入系統，現在對於呈請備案者，反予批駁，誠不知其何居心，况吾們查得西醫學校，不少備案登記，外洋拾來的學術，一概吸收，中國固有的國粹，深閉固拒，我政府及立法院心目中皆有中醫教育，而教育部獨唾棄國粹，這是吾們所斷然要據理力爭的，再查此次中醫審查規則中的附錄「審查給證事項，暫由中央主管機關授權地方政府辦理」「經審查合格之中醫，由地方政府發給中醫證書」等字樣，種種且不管與中醫條例所規定是否適合，而中西醫的待遇，亦顯分軒輊，考中醫西醫，同具救人的宗旨，治病亦具同樣的能力，何獨區分了界限，厚彼薄此，又我國人口最多，足見吾們固有衛生的成績。何以……不以吾國醫任衛生行政，這種不平等待遇，亦是吾們要據理力爭的，同道們，在今世界一切要求平等的呼號中，我們豈可再沉沉默默，同道們，快起來，奮鬥吧！

上海市中國醫學院第一院上海閘北寶興路天通庵路四二九號第二院上海北河南路靶子路五七二號

# 杭州國醫公會主編國醫新聞啓事

本刊每星期六出版現已出至第十五期專載國醫藥界消息  
並及本會會務進行歡迎各地翔實來稿願與友刊介紹交換  
全年共計出五十期索閱請附郵費五角會址：杭州佑聖觀巷三益里十號

湖南國醫學會會辦：**長沙衛生社**：擴大組織徵求基本社員

▲充當本社員有五種利益：(一)優美證書。(二)贈閱刊物。(三)通函研究。(四)銀質徽章。  
。(五)銀質獎屏。(尚有其餘優待不及備錄) ●詳細辦法及入社志願書只以郵片通知即寄●

歡迎各界加入

社址：湖南長沙新安巷一號

# 上古天真論詳解

古渝 鄒趾痕 著  
全書一冊定價洋二角

外省加郵費一角

發行所

北平崇內五老胡同十六號

## 杏林叢錄

## 杏林醫學

## 翻版預約廣告

本社印行杏林叢錄。杏林醫學二書。即杏林醫學月報第一期至第三十四期。第三十五期至第七十期。彙集改編而成。出版以來。風行各地。國內醫界。無不人手一篇。近因南洋方面。銷路突增。所存之書。瞬即告罄。茲為應付讀者之需求。刻即各翻版五百冊。約二月間可以出版。特為普遍宣傳起見。另訂預約辦法。凡在預約期內定購者。取價特廉。價目如下。

杏林叢錄 每部原價大洋三元預約每部大洋一元  
杏林醫學 郵費每部國內二角港澳四角國外一元  
預約期由十一月起至廿六年二月底止

(杏林醫學月報現出至九十餘期定閱全年大洋一元國外二元郵費在內)  
發行所廣州市大德路蕪行街八十四號廣州杏林醫學社

專 著

▲聖方治驗錄 (續)

四川重慶鄒趾痕撰述

八月九日言語顛倒，舉動無意識，但不登高上房矣，與黃芩湯加黃連萹根如下：

第四方：

黃芩五錢 黃連四錢 萹根五錢 犀角四分  
酸棗仁四錢 生龍骨三錢 生牡蠣三錢 生甘草二錢

服四劑，諸病減輕。

八月十三日，因熱邪聚於心與小腹，與小承氣湯加梔連萹如下：

第五方：

枳殼四錢 桔梗四錢 厚樸四錢 生大黃三錢  
黃連三錢 生梔子三錢 萹根四錢 甘草二錢

服三劑，得大便，下黑涎極多，再服三劑，心與小腹乃清涼爽快。

八月二十日，腹又脹，言語又錯亂顛倒，與大承氣湯合梔子豉湯，服三劑，大便下血塊黑滓極多。  
八月二十三日，心又煩熱，腹又滿，與大承氣湯加萹根黃連黃芩連翹知母，連服三劑，大便暢下十餘次，從心下至小腹，安舒痛快，心樂神悅，思慮清明，不復昏瞶，食量大增。

八月二十六日，腹微脹，心復痞滿，復與大承氣湯加連翹，生梔子，大薊，玄參，服三劑，又得大便秘暢下七八次，諸病除盡，狂病脫根，永爲無病之人，與黨參，黃芪，生白芍，茯苓，山藥，大棗，枳殼，桔梗，作病後調理之方，囑令服十餘劑，貌豐神健而愈。——未完——

### ▲經方實驗錄

(續)

版權固有  
不准轉載

江陰曹穎甫先生撰述  
門人瑞安姜佐景編按

【小引】吾師曹穎甫先生，號拙巢老人，行年七十矣，用仲景方救世人疾苦者，垂四十餘載，其間大案疊出，閭里奉若神明，顧先生不喜筆而記之，以爲不屑爲也。偶爲之，則又爲諸弟子索以去，於是存稿乃闕如，愚不敏，侍診之餘，輒喜集諸案而珍藏之，其有缺者，復乞師講授。隨時筆錄而補之。更加拙按以伸其義，凡得二百餘則，編爲上下二卷，乃秉師命，顏曰經方實驗錄，蓋所以符其真也。本篇所刊，特其一斑耳，世有同好，相與錯研而教益之，幸甚。先生著有傷寒發微及金匱發微行世。又工詩詞，善畫梅，刊有梅花詩集，門人遍國中，若王一仁，王慎軒，秦伯未，許半龍，章次公，沈石頑諸氏，悉在其列云。編按者謹誌

【附言】如有關於本稿或本錄之賜教，請惠寄上海城內果育堂街一四四號姜佐景收爲荷。

本證未下之先，熱結腸中一處，既下之後，熱散週身血脈，亦有不經攻下而然者，血熱既臻極點，乃從脆弱之處溢射，或從鼻出，或從口出，或從溺出，或從便出，其形雖異，其治則一，千金曰：「犀角地黃湯，治傷寒及溫病應發汗而不汗之內蓄血者，及鼻衄吐血內餘瘀血，面黃大便黑消瘀血，」可以證之，溫病條辨曰：「太陰溫病，血從上溢者，犀角地黃湯合銀翹治之，」又曰：「時欲漱口，而不欲嚥，大便黑而易者，有瘀血也，犀角地黃湯主之，」悉不出千金範圍，細審本湯，或係仲聖之方，而傷寒金匱所遺落者，不然則本方殊足以補二書之未備，彌足珍也，千金外臺諸

方以犀角爲主藥者甚多，悉可覆按，後人以此加神靈之品，如羚羊牛黃，增香竄之物，如安息麝香，添重鎮之藥，如金銀硃砂，擴而推之，乃成紫雪至寶之屬，善自施用，原不失爲良方，惜乎俗醫信之過專，用之過濫，一遇神昏譫語，動謂邪迷心包，不問其是否承氣之證，悉假之作背城之戰，及其不效，則病家無怨詞，以爲劫數難挽，醫家無悔意，以爲吾心無愧，茫茫浩劫，方今未已，至足憫也，至犀角早用，亦多弊端，故太炎章氏有言曰：「有以爲溫病，藥總宜涼，每令早服犀角，而反致神昏譫語者，比比，觀仲景方，未有用犀角者，本草謂犀角解毒，千金外臺方中，多以犀角止血，故凡大吐衄，大崩下，或便血等，多以犀角治之，蓋犀角有收縮血管之功用也，陽明病，原自有汗，今反以犀角收之，於是將邪逼入腸胃，神昏譫語，自然起矣，人每不明此理，以爲神昏譫語，終是邪入包絡，因此犀角之誤治，終不了然，惟陸九芝爲能知之耳，由是以觀，河間已遜仲景，葉吳輩更不如河間遠矣，」蓋亦有感而發，然而陸氏犀角膏黃辨最後之結論曰：「病豈必無膏黃之不能愈，而待愈於犀角者哉，然必在用過膏黃之後，必不在未用膏黃之前，蓋亦有可決者，」佐景曰：是方持平之論也。

至犀角與羚羊角之功用，大同小異之處，亦當求其幾微之辨，吳君凝軒，與愚共論此事，得結論曰，犀角能降低血壓，其主在血液，羚羊角能涼和神經，其主在神經，依舊說，血液爲心所主，故曰犀角爲心經藥，神經爲肝所屬，故曰羚羊角爲肝經藥，然而血熱者，神經每受灼，神經受灼者，其血必更熱，二者常互爲因果，故二藥常相需而用，同中之異，如此而已。

曹穎甫曰：近世犀角羚羊角二味，其價翔貴，自非鉅富之家，罕有用入煎劑者，若愚貧寒之人，則

有方與無方同，直坐待其死耳，吾願同道諸君子，分其診金之餘，與萬死中求得一生路，吾中醫前途，庶有餘乎。

佐景又按：以上各節，皆爲醫理之探討，夫陽明無死證，在理論固是，然而陽明病之不起，又有屬於人事之未盡者，試言一點，以爲證明，愚謂凡屬險症，類皆變化多端，忽而神昏譫語，忽而撮空摸床，忽而寒戰若死，忽而汗出幾脫，忽而熱化，忽而寒化，猶如夏令酷蒸，仰觀則萬里無雲，俯視則流金燦石，忽而油雲密佈，沛然下雨，其變之倏也，乃間不容髮，故治若此之病，理當醫者不離病人，一醫之不足持，會數醫而共圖之，隨脈證之傳變，作神明之處置，以是赴之，庶或有濟，然而通常病家，多不能辨此，一診之後，須待來日，不知其間，變化已多，即有獲救之機會，失去者亦多，舉例以明之，有用大承氣湯下後，即當用參耆歸芍補益以救其逆者，然而病家不知，徒事驚惶，亂其所措，而病者撒手矣，嗚呼，安得廣廈千間，良醫百人，集世之絕險大症，起其死而還之生，功德無量，當勝造浮屠萬座，世不乏慈善大家，倘有意歟。

未完

### ▲雜病論新詮 (續)

版權固有  
不須轉載

馬廠邪錫波編著

問曰：「脈脫入藏即死，入府即愈，何謂也？」師曰：非爲一病，百病皆然，譬如浸淫之瘡，從口起流向四肢者可治，從四肢流來入口者，不可治，病在外者可治，入裏者即死。

上節論邪氣盛則實，此節論正氣奪則虛，以辨其死生之法也，脈脫者，以正虛不能衛外，邪氣乘虛驟入，遏閉經隧，正氣不通，脈現細微散渙之象，似脫而實非脫也，人之藏府，府爲陽，藏爲

陰，陽主生，陰主死，故凡病入藏者，邪深而難出則死，入府邪淺而易通即愈，非爲一病如是，百病皆然，浸淫之瘡，即外臺所謂「轉廣有流汁繞周身之瘡也」，若從口漸染及四肢者，爲病自內之外故可治，從四肢漸染人口者，爲病自外之裏，故不可治而死也。

問曰：陽病十八何謂也？師曰：頭痛，項腰脊臂脚掣痛。陰病十八何謂也。師曰：咳，上氣，喘，噦，咽，腸鳴，脹滿，心痛，拘急。五臟各有十八，合爲九十病。人又有六微，微有十八病，合爲一百八病。五勞，七傷，六極，婦人三十六病不在其中。清邪居上濁邪居下，大邪中表，小邪中裏，榮飪之邪，從口入者宿食也。五邪中人，各有法度，風中於前，寒中於暮，濕傷於下，霧傷於上。風令脈浮，寒令脈急，霧傷皮膚，濕流關節，食傷脾胃。極寒傷經，極熱傷絡。

此節先言病有陰陽臟腑之異，後言感有五邪六淫之殊，欲醫者互參而求之也，頭項腰脊臂脚，六者邪中經絡，病兼上下，而通謂之陽者，以其在軀壳之外也，邪在外侵，有病於榮者，有病於衛者，有榮衛交病者，是一病而有三也，三六合之，則爲十八，故陽病十八也。咳，上氣，喘，噦，咽，腸鳴，脹滿，心痛，拘急，九者病兼臟腑，而通謂之陰者，以其在軀殼之內也，臟腑之病，不外虛實，是一病而有二也，二九合之，則爲十八，故陰病十八也。三陰三陽，六氣之傳變無形也，五臟六腑，臟腑之病有形也，臟腑受風寒暑濕燥火六淫之邪，又各有侵及氣分血分，氣血並受之三端，三六相合則爲十八，是五臟之病各有十八，合而計之，共爲九十病也。凡人之病，臟病則劇，腑病則視臟稍微，故六腑之病，謂之六微，六微亦各有六淫之侵榮侵衛，及榮衛同侵之十八病，共而計之，爲一百零八病。至於久視則傷血，久臥則傷氣，久坐則傷肉，久立則傷骨

，久行則傷筋，是謂五勞所傷，大飽傷脾，大怒氣逆傷肝，強力舉重，坐臥濕地傷腎，形寒飲冷傷肺，憂愁思慮傷心，風雨寒暑傷形，大怒恐懼不節傷志，是謂七傷，氣極血極，筋極骨極，髓極肉極謂之六極，及婦人三十六病，（詳見婦人雜病篇）此皆飲食情志所生，非六淫外侵所致，故曰不在一百八病之中也。邪之中人，各從其類，輕清之邪，上先受之，故風露之邪，多居於上，重濁之邪，下先受之，故濕土之邪，恒流於下，大邪漫風，雖大而力散，故中於表，小邪謂戶牖隙風，體雖小而氣銳，故中於裏，穀飪飲食之屬，偶有不節，入於口而傷於胃，此之謂五邪中人，各有法度，今特約略言之，其餘可引伸觸類也。——未完——

### ▲國醫傷寒課義

（續）

有著作權  
不准轉載

陳澤東著

又曰，陽明病，被火，額上微汗出，小便不利者，必發黃。

（註）陽明病則肌肉熱，不可再以火劫，以火劫則陰陽不通，故額上微汗小便不利也，發黃者，邪汗不出也，本文無方，愚以麻葛羌豬湯與之。

少陰篇有曰，少陰病，欬而下利譫語者，被火劫故也，小便必難，以強責少陰汗也。

（註）少陰病咳者，是本經有寒邪也，當此之時，當以麻辛杏附湯提其寒邪，由太陰之表而出，得小汗則無下利譫語之虞矣，下利者，寒邪被火劫而內陷也，譫語者，火邪動營也，強責汗者，是以火劫發汗也，本文無方，愚以麻辛杏附加豬苓車前湯主之。

### ○論禁汗○



按凡風邪在表之時，皆當汗，然氣虛者，可小發汗兼固氣之品，不可大發汗，以至亡陽虛脫也，表邪退熱已傳裏者，不可發汗，婦人產後，氣血大虛，不可發汗，如有表邪必須發汗者，須小發汗加以引血下行之品，以防其敗血衝心也，在傷寒病中，固有禁汗之明文，以愚論之，其他雜症，亦有禁汗之時，本編不及備載，惟望吾同道諸君慎思之明辨之可也。

太陽上篇有曰，太陽病，發汗，遂漏不止，其人惡風，小便難，四肢微急，難以屈伸者，桂枝加附子湯主之。

(註) 此條之證當汗，但汗之太過也，故漏汗不止惡風也，小便難者，是發汗之藥力太過，汗多則膀胱液少也，此即氣虛不可大發汗之理也，四肢微急難以屈伸者，亦氣虛汗過之故，因致厥也，主以桂枝加附子湯者，取其助元陽溫營和肌之義也。

又曰，太陽病發熱惡寒，熱多寒少，脈微弱者，此無陽也，不可發汗，宜桂枝二越婢一湯方。

(註) 發熱惡寒，是寒在表，當汗，以熱多寒少，是裏有熱，當清，故此方中用生石膏也，如脈微弱者，是氣虛也，爲無陽，雖有發熱惡寒之象，亦不可發汗，如脈不微弱，即氣不虛陽不虛，方可發汗，宜桂枝二越婢一湯方，此反掉文法也，乃近有古本僞造之傷寒，不懂文法，竟將此湯加於熱多寒少句下，是無知妄作者也，吾同道諸君，幸莫被其欺也。

太陽中篇大青龍湯條下有曰，若脈微弱，汗出惡風者，不可服，服之則厥逆，筋惕肉瞤，此爲逆也。

(註) 此條之證，亦氣虛無陽，故汗出惡風也，不可服者，不可服大青龍湯也，厥逆及筋惕肉瞤者

，皆氣虛汗過之故，乃本文之末，竟曰大青龍湯主之，是重出之誤也，決不可用，愚以附子理中湯主之。

又曰，脈浮緊者，當身疼痛，宜以汗解之，假令尺中遲者，不可發汗，何以知之然，以榮氣不足血少故也。

（註）此條之證，雖云榮弱血少，但不可補血，補血則邪不入而陰爲患，本文無方，愚以麻黃參附湯予之，護陽驅邪可愈。

未完

### ▲傷寒問答（續）

沈肖卿著

問曰、傷寒十三日不解，過經譫語者，以有熱也，當以湯下之，若小便利者，大便當硬，而反下利，脈調和者，知醫以丸藥下之，非其治也，若自下利者，脈當微，厥，今反和者，此爲內實也，調胃承氣湯主之，係論何症也。

答曰、傷寒十三日，爲邪復傳太陽之期，病不解，過陽明經受邪之期，而譫語者，以有風熱夾於傷寒化熱之邪，由陽明經血分傳入胃腑也，當以承氣湯下之，若病人小便利者，津液下滲也，大便當硬，不當下利，今反下利，若下利，係邪傳厥陰之下利，則脈不當調和，今脈調和者，知醫係誤認譫語，爲邪熱入下焦血室之證，而以抵當丸下之也，實非正治，若下利，不是因丸藥下之之利，而係邪傳厥陰，自己下利者，則脈當微，手足當厥冷，今手足與脈，皆調和，此非邪傳厥陰之寒利，爲邪熱傳於胃腑之實證也，當以調胃承氣湯，以和

中也。

太陽病不解，熱結膀胱，其人如狂，血自下，下者愈，其外不解者，尙未可攻，當先解外，外解已，但少腹急結者，乃可攻之，宜桃核承氣湯方。

問曰、此節係以何症，而辨何症也。

答曰、此節係以邪熱傳於膀胱之見症，及治法，而辨邪熱傳於下焦血室之見症，及治法也。

問曰、太陽病不解，熱結膀胱，其人如狂，血自下，下者愈，其外不解者，尙未可攻，當先解外，外解已，但少腹急結者，乃可攻之，宜桃核承氣湯方，係論何症也。

答曰、風寒兩感，邪傳太陽之太陽病，在太陽衛外之風邪未解，在太陽經血分化熱之寒邪，由太陽而傳入其膀胱，熱結於膀胱，故其人如狂狀，若結於膀胱之血，由小便而自下，下則熱邪隨之而去，故曰下者愈，然太陽衛外之風邪未解，則不可以藥攻其裏，當先與桂枝湯，以解其外，外邪已解，但邪熱結於膀胱，而少腹急結者，乃可攻之，宜桃核承氣湯方。

問曰、不曰，乃可攻之，宜桃核承氣湯，而必曰，宜桃核承氣湯方，加一方字，何也。

答曰、加一方字，係辨邪熱結於膀胱，與邪熱結於下焦血室之治法也，若太陽病，在衛之風邪未解，但血分之邪熱入於膀胱者，當先解其外邪，隨後再以桃核承氣湯，以攻之可也，若風寒兩感，邪傳太陽之太陽病，在衛之風邪，與太陽經中之邪熱，由太陽傳於少陰，入於血室，其人症不如狂。

未完

# ▲傷寒要略

(續)

張蘭亭編

## 傷寒五藏受病歌

手少陰心經受病

心病舌強笑面赤 煩燥掌熱口乾謔

臍上動氣洪緊數

反得沉微命不全

足厥陰肝經受病

肝家面青目痛閉 筋急怒容臍左氣

脉當微中兼帶弦

浮濇短兮名不治

足太陰脾經受病

脾家不食面皮黃 體重肢疼喜臥床

動氣當臍脉來緩

弦長而緊是凶殃

手太陰肺經受病

肺家面白帶憂愁 吐衄寒溫咳喘求

臍右氣兮脈浮濇

大而實者死根由

足少陰腎經受病

腎家面黑爪甲青 目閉足寒瀉腹痛

臍下動氣沉滑脉

緩而大者死之形

## 傳經要訣一

六經傳變別陰陽 循越誤下乃無常

上下相傳分順逆

表邪入裏宜推詳

(註)傷寒六經傳變之不同，太陽爲陽中之陽水，邪傷其經能循經傳，亦能越經傳，陽明爲陽之陽

土，主納而不出也，太陽病未解，傳至陽明，名曰循經傳者是也，陽中之陽木者，少陽也，

邪至其經不解，上能傳陽明，下能傳太陰，如太陽傳至少陽，名爲越經傳者是也，陰中之陰土者太陰也，上傳少陽爲順，下傳少陰爲逆，如太陰傳少陰，爲上下傳，太陽傳太陰，爲誤下傳者是也，陰中之陰水少陰也，上傳太陰爲順，下傳厥陰爲逆，如太陽傳至少陰，爲表傳裏者是也，陰中之陰木厥陰也，上傳少陰爲實，再傳太陽爲自安，以陰得陽解之故也。

### 傳經要訣二

風寒初襲在太陽 其邪不解入膀胱 不傳他經名犯本 循經得度細審量

(註) 太陽之邪不傳他經，入於膀胱，名曰犯本，太陽傳陽明之循經傳者，所因汗出不徹，餘邪不盡，透入於裏之故也，太陽傳少陽之越經傳者，所因太陽無汗，未用麻黃發之之故也，太陽傳太陰之誤下傳者，所因太陽病當汗解，而反下之之故也，太陽傳少陰之表裏傳者，所因太陽汗未得發，邪熱灼陰之故也，太陽傳厥陰者，名曰循經得度傳，蓋諸陽至於頭，諸陰至於喉，惟厥陰與督脈上行於頭，與太陽相會之故也。

### 傷寒死證死脈歌

戴眼反折眼胞陷	鼻孔撮張肺絕亡	口如魚口牙黑落	耳輪青黑枯與黃	舌長數寸與舌短
藏府同病兩感傷	陰陽毒過七朝死	陽病見陰脈不祥	黑斑下厥與上竭	舌捲耳聾縮腎囊
中喝除中皆不治	循衣抓空與摸床	昏吻青兮與面黑	厥逆藏結命難當	陰陽交與遺尿證
氣喘不休與口張	汗出雖多不至足	離經脈見入陰鄉	結胸證具煩燥甚	直視搖頭濟不匡
少陽證與陽明合	必死之原證弦長	汗後脈反燥疾危	須知藏厥主悲傷	蝦遊屋漏並雀啄

彈石解鎖與魚翔 代脈主死何能救 以上死証俱莫忘

傷寒要略終

# 本刊發售彙訂本啓事

敬啓者 敝刊自創辦以來徵聘國內國醫名宿投稿協助作品一出燦若星辰是以醫界學界商界注重衛生之家極端歡迎內分文件辨駁論壇專著雜誌時症急救實驗瑣聞社會義務等專欄凡古今中西醫理之精粹及治療大症方法效驗之神速有庸俗所不可及者凡吾同胞不可不置一編藉以自衛今將以前之刊物由第一期至第十二期彙訂厚冊減價出售以優待閱者原定價每十二冊大洋三元今按八扣合計每一彙冊售大洋二元四角不取郵票郵力在內特啓

## 現代醫藥月刊

愈慎初主編 社址：福建福清城內官塘墩

二週特價	國內全年四角二分	郵費	風行中外	原價	全年十二冊八角四分
紀念定價	國外全年一元六分	在內	銷數日增	預價	半年六冊四角二分
	港澳全年八角四分	在內	內容充實	印刷精美	零售每冊一角

中西醫界之良友 大眾健康之指南

(介紹三份者贈本刊) 特價三個月民國二十五年十月底止  
 第二年彙訂一冊 代售鼠疫治療全書每一厚冊特價只收一元二角

郵票通用 國外寄費酌加

# 雜誌

## ▲咽喉證的研究和治療 (續)

馬廠邢錫波

外吹宜用錫類散，或金不換散。

錫類散方：牛黃 冰片 珍珠 人指甲 象牙硝 青黛 壁錢。

金不換散方：芒硝 冰片 月石 辰砂 殭蚕 青黛 人中白 牛黃 珍珠。

『白喉』白喉症喉中發白，或腐爛，西人名爲實扶的里，實爲傳染病之一端，以顯微鏡檢查喉間白膜，確有一種白喉桿菌，此證成因，每多始於天行，盛於傳染，凡人鼻氣通天，口氣通地，溫燥吸入，蘊結上中二焦，阻礙脾胃升降之機，燥熱鬱蒸，津液不得四佈，胸腕悶滿，五心煩熱，君相猖獗，上薰華蓋，外則頷頤結腫，宛如時毒，內則盤踞咽喉，膠結薰蒸，邪無出路，愈涸愈堅，而死亡隨之矣，張壽甫謂白喉多係煤毒洋烟，及過服煎炒辛熱之物，或貪色過度，以致陰津虧損，虛火上炎所致，雖證有夾雜，總以內傷爲重，用藥養陰清肺，原爲正治，其說雖爲有得之言，然總不若陸培初先生之三法論治，尤爲精詳，茲節錄其要，以爲醫界之攷鏡，陸氏曰：『比年來白喉盛行，死亡相繼，此非不治之症，皆由醫家未能辨別病源，誤藥所致，症分三種，一爲外感實症，表受風溫，病在肺，病狀惡寒發熱，白腐僅在外面，浮面多係白點，不至成塊，舌質赤，舌苔薄潤，身上或有疹，或無疹，治宜辛涼解表，用前蒟翹貝勃蟬之屬，外治用薄荷，青黛，硼砂，馬牙硝等

，研末吹之，一為內傷虛症，陰虧燥熱，病亦在肺，病狀無寒熱，白腐在裏，如粉如石灰，發呆白色，初起成點成塊，一二日即黏連成片，滿佈喉間，舌質紅，舌苔或白或微黃或無，而必燥澀，毫無滑膩黏涎，治法宜涼潤清降，用養陰清肺湯之屬，外治用金銀花，生甘草，象牙硝，濂珠粉，指甲，燈心等，研末吹之，一為內傷實證，濕熱薰蒸，病在胃而襲於肺，病狀無寒熱，間亦有寒熱者，必在午後，而熱不揚，寒不甚，白腐處帶黃明色，必黏沫滿喉，舌質紅，舌苔厚膩黃滑，重者口噴臭氣，治宜化濕清熱，如三仁湯之屬，或滑石通草子芩茯苓苡仁，金果欖，山豆根等，外治宜用金果欖，山豆根，滑石，人中白等，研末吹之，其辨別全在舌苔為潤，為燥，為膩，為賦，以及平素體質，大小便，詳細察之，方不致貽鹵莽償事之譏。

陸氏白喉治療三法

一、外感實證療方

內治：宜辛涼解表——前蒴翹貝勃蟬之屬。

外治：薄荷青黛礞砂馬牙硝等研末吹之。

內治：宜涼潤清降——養陰清肺湯之屬。

外治：銀花生甘草象牙硝濂珠粉指甲燈心灰等研末吹之。

二、內傷虛證療方

內治：宜化濕清熱——三仁湯或滑石通草子芩茯苓苡仁金果欖山豆根之屬。

外治：金果欖山豆根滑石人中白等研末吹之。

喉痧白喉之外，又有所謂喉蛾，喉癰，喉痺，纏喉風等證，茲將其成因和治療，詳論於左：

『喉蛾喉癰』喉蛾發於喉之兩旁，西人謂之扁桃處，若其部腫硬作痛者，西人謂之扁桃炎，吾



國名稱，其發於兩邊者名雙喉蛾，發於一邊者，名單喉蛾，偏於右者爲肺病，氣不宣而得也，偏於左爲胃病，熱毒蘊結而成也，其腫痛之勢甚劇，恆至呼吸窒塞，危若風燭者，後世名之爲截喉癰，考截喉癰之名，方書不載。

——未完——

### ▲答李漢傑君問病書

張方輿

來函稱尊恙因汗出當風，致周身作癢，搔之則皮膚隆起，得溫暖則減輕，受寒涼則加重，此乃風濕相搏，膠結於皮膚分肉之間，皮膚下之腠理，受其衝激，因而作癢，搔之則腠理鬱閉之風濕，擁集於被搔之處，起而抵抗，則皮膚遂隆起矣，得煖則風化濕行，故見輕減，受寒則固結滯塞，故見重劇，斯時若多飲煖水，助其發表，使毛孔開而得汗，則風濕稍洩，身癢見輕，若不得汗，則愈搔愈癢，傷寒論太陽篇第二十三節，不能得小汗出，身必癢，宜桂枝麻黃各半湯，乃是太陽外寒固閉，鬱熱壅遏，淫於肌膚，欲出不得所致，故用桂麻得小汗則愈，此證乃風而兼濕，只驅其風，不去其濕，又不中的，來函稱用蒼朮以燥濕，則大便瀉，小便短赤，服滑石芍藥茯苓，亦如石投水，此證原在肌腠，而所用燥濕利水之藥，其力均行內腑，不能到達病所，是攻伐無辜，反將賊邪拋於外表，所以調治月餘不效也，且有風邪與濕邪膠結，不驅其風，只去其濕，治何能效，是宜解肌達表開肺利氣，再用皮藥散濕，取皮以達皮之義，擬用防風二錢，葶藶二錢，大腹皮三錢，茯苓皮三錢，生薑皮三錢，滑石四錢，大棗五枚，方中之意，葶藶別錄謂其主皮間邪水上出，面目浮腫，癩癢，皆是開肺利氣之功，肺和皮毛，肺氣行則水行，而濕去矣，薑皮辛涼和脾，利水消腫，大腹皮

消肌膚中水氣，茯苓皮主水腫膚脹，利水道，開腠理，滑石利濕行水道，大棗補脾以制水濕，而透表驅邪，去風行濕之藥，則以防風爲兼備，合之驅風散濕，利水合營，毫無板滯充燥之弊，且使藥力直達病所，服之自能奏效也，後接回函，稱照方服一劑，病愈強半，三劑良已。

此稿拙作畢，就正李寶和君，李君謂會重用浮萍治愈此證，查浮萍本經謂主暴熱身癢，下水氣，以其生於水，而不溺於水，故能勝濕，且得水中輕氣最多，味辛性寒，故能清熱解肌，時賢張山雷謂凡開毛竅而宣肺氣之品，固皆有利水逐濕之用，則浮萍之治此證，尤爲洽符病機，附誌以備採擇。

### ◎本刊第三十一期刊誤◎

- |                          |                         |
|--------------------------|-------------------------|
| 第三頁第三行倒四字「懷」應作「堪」        | 第二十二頁倒二行第十二字「每」應作「與」    |
| 第四頁第五行第一字「被」應作「彼」        | 第二十二頁倒二行「醫者」二字下應去「，」    |
| 第四頁倒二行第二字「捷」應作「健」        | 第二十三頁第八行第十六字「徧」應作「偏」    |
| 第十二頁第八行倒十一十二「暑風」二字應作「風暑」 | 第二十四頁第九行倒八字「傳」應作「瀉」     |
| 第十五頁第六行第二十二字「徧」應作「偏」     | 第二十五頁第二行倒十三字上應加「用」字     |
| 第二十一頁倒六行倒八字「者」應作「知」      | 第二十五頁第五行第三十字下應加「爲宜」二字   |
| 第二十一頁倒二行第二十五「湯」字應去       | 第廿七頁第一行首「此條之證」下應加「攻下」二字 |
| 第廿二頁第一行第十三十四「有至」應作「，有至」  | 第二十九頁倒八行倒一字「乾」應作「厥」     |
| 第二十二頁第八行倒十五字「徧」應作「偏」     | 第三十四頁第二行倒十二字「徧」應作「偏」    |

# 食物本草專欄

## ▲菓 品 類 (續)

編者王維仁

### 荔枝

氣味甘溫而微酸，爲足厥陰太陰二經之果，入脾助氣，入肝補血，通神健智，益色悅顏，並發小兒痘瘡。止牙齒疼痛，以及呃逆不止，瘰癧疔腫，腸癖疝氣諸症，按荔枝氣味純陽，故能散滯怯寒，惟火盛者不宜食，食則令人煩渴口乾，甚或乾嘔，忌之。

### 桑椹

氣味甘涼，色黑入腎，能利五臟關節，補血安神，可疏小腸閉滯，逐水寬脹，久服可不飢，單食止消渴，瘰癧結核，熬膏調飲，小兒禿瘡，服洗均效，又能解酒毒，烏髭髮，按桑椹種種功用，皆在補血清熱，倘脾胃虛滑者，勿服。

### 芡實

味甘氣平，微瀋無毒，入脾腎二經，醫腰膝疼痛，健脾去溼，治夢遺滑精，補腎益髓，助胃氣，止煩渴，除暴疾，聰耳目，並治小便頻數，帶濁泄瀉，但性和緩，難收速效，亦可澄粉，久服能固精益氣，惟小兒不宜多食多食則壅遏脾氣，飲食難化，生食動冷氣，亦宜忌之。

# 椰子

氣平無毒，味甘脆腴美，食之令人不饑，倍氣力，好顏色，補益虛羸，腰脚無力，治風熱，消疳積，殺寸白諸蟲，小兒清癯，合蜜食之絕佳，羶肉空處有清漿，甘美如牛乳，微含酒氣，但性溫助熱，不宜多食，多食則昏人增渴，患皮膚病，及喘哮咳嗽者，並宜忌之。

# 酸棗

氣味甘酸而平，無毒，入肝胆二經，助陰氣，堅筋骨，治痿痺久泄，臍下滿痛，生津止渴，斂汗寧心，按酸棗能補肝益胆，兼可舒脾，胆足則心不妄動，故能止驚悸盜汗，肝旺則血自歸經，故可療虛煩不眠，惟其性酸收，肝膽二經有實邪者，勿食。

未完

## 審查徵集驗方

一至五集完全出齊

## 廉價發售

此書為本會會長。閻副委員長。以重價向民間收買之秘方。藥味簡單。價值低廉。配合便利。功效神速。可作醫家之參考。可供病家之顧問。男女老少。家居旅行。不可不備。全書五厚冊。定價四元三角。茲為普及起見，廉價二月。自即日起，至九月底止。合購全書五冊。只收三元二角。外埠郵費加一。

發售書地址 太原市 中醫改進研究會  
新民街

### 修正 審查徵集驗方第二集出版

定價八角  
廉價五角

此書為山西省政府村政處派員在本省各縣區村徵集之民間驗方。經本會嚴格審查，精謹抉擇。編輯成書。初版問世。甫經二年。已將全數售罄。惟初版成書倉卒。訛誤不免。現已重加修正。另行編印。全書一冊。定價八角。價廉五角。外埠另加郵費一成。

# 社會義務欄

編者 志學

第 二 十 四 號

灌輸醫學常識，公開經驗良方
担任醫藥顧問，解答疑難問題
救濟赤貧疾病，組織義務施診
介紹特效藥品，供給醫界新聞

## 本 欄 目 次

常識
本部啓事
驗方(婦人雜病)
醫藥問答

## ◎常 識◎

### ▲淋濁之認識與自療法(續)

查淋濁一症，爲社會普通病之一，尤以處此繁華，極易感染，倘認識不明，治療失當，則足以貽害終身，可不懼哉，田君爾康，爲山西中醫研究會理事，學貫中西，蜚聲醫界，前以懸壺來津，並膺益世報館顧問。茲將其近作淋濁之認識與自療法，錄登於此，以爲患本病者之參考焉。

編者附識

在女子除尿道之外，又有巴爾特林氏腺炎，外陰部炎，膾炎；在深部，則有子宮頸部炎，子宮內膜炎，子宮體炎，子宮附屬器炎，喇叭管炎，子宮周圍腹膜炎等；以致不能妊娠，縱或生育，往往遺毒胎兒，爲害之烈，無有逾於此者。

淋毒性攝護腺炎——攝護腺爲男子生殖器之一部，位於尿道之後端，及肛門之前。此腺之內分泌作用，乃保持精子生命不可缺少之液體，由睪丸所產出之精子，必須賴此爲營養，否則！精蟲即

陷死亡。若此種液體不分泌，便無生殖能力。此腺體之出口，在後尿道，如患後尿道炎，即不免本病之發生。本病也有急慢性兩種，又有加答兒性，濾胞性，實質性攝護腺等種種。急性者，其痛苦並不亞於後尿道炎，而且排尿困難，尿意頻數，放尿時尿管極細，肛門之前方，有腫脹感；劇烈者，有高熱，或惡寒戰慄等症；慢性者，患者往往不自知，檢查尿時，始見尿中混有淋絲，由肛門觸診，可觸知凹凸不勻之攝護腺。久而不愈，續發尿道狹窄，攝護腺漏，精液減少，射精疼痛，性慾始而亢進，終可減退，遺精等症。大有斷絕後嗣之虞。

淋毒性關節炎——淋菌侵入血中：隨血液到處流轉，變症百出，爲害至烈。關節炎，乃最易患之症。其始也，類似關節癱瘓質斯；迨劇烈時，關節發赤，腫脹，既粗且大，關節腔內有膿，進而犯及關節周圍，甚或引起全身膿毒症，而致死亡。本症初起，每由一個關節，而漸及數個關節，其習見者，即膝關節是也。治愈後，往往遺留關節強直，而不能屈曲；又有所謂淋毒性關節痛者，外觀上無形狀之變化，只在運動時，發生劇烈之疼痛。上列數種，不過聊述梗概，實則淋濁既成慢性，苟不能調攝得宜，直接間接，變化莫測。有時雖非因淋而病，然因淋菌之侵擾，間接上，以致不得速愈，諸如此類，不勝枚舉。預防之法，惟有絕對禁止宿娼，並不潔之交媾。有時情慾衝動，應思與其有樂於前，孰若無憂於其後；與其快感於一時，孰若免悔於終身。而且淫亂之事，君子所恥，奉勸青年諸君，有則改之，無則加勉。惟有此絕對的禁止，最保險，最可靠；斷不能於縱慾中而求其安全。鄙人站在天主教的立場上，即以此爲斷然之奉告，其他現代花柳書中之預防法，恕不介紹。

自療法——所謂自療法者，不就醫師而自行治療之法也。查本病治法，雖有多種，然求其特效而準確者，尙未發見。故本病在醫師診治，仍無相當之把握，復何自療之可言。但在急性期，比較的宜就醫診治，因醫師法術較多，雖不能必然治愈，當可盡力撲滅，收穫相當之效，此時患者，亦宜力求醫治，盡量接受各種法術，以期不至延為慢性，所以急性淋濁，不宜妄自施治，惟於就醫之外，可用醫師指定之尿道洗滌液，自行洗滌，日須三四次，不厭其煩，恒心治療，始可渡此難關。又可用百分之一過猛酸鉀液，將陰莖浸入，再以烏華烏爾西葉，百沸湯浸，和白糖，代茶頻飲，此藥利尿消炎，輕微者，服數次，即可減輕；又多飲白開水，使尿量增加，自能清滌尿道，而尿液得以清淨，此關於急性淋濁自療之法也。

慢性淋濁——此期患者，不宜急於求治，應注意全身之強弱，在飲食營養，起居衛生上，力事調攝，使身體日臻健康，則可漸漸自愈。蓋治淋濁之藥，多半妨害於胃，若雜進藥物，招來胃呆少食，全身營養不良，淋濁斷難望愈。所以慢性淋濁，多在自療。(一)心理方面：應平心靜氣，毋太焦慮，須知本病雖可蔓延上述各症。但在事實上，未必如上述之甚。(二)飲食方面：流動而富營養之食物可食，辛辣刺戟，肥膩之品不可食。

(未完)

### ▲本部啓事▼

一，本部對於經驗良方，奇妙醫法，竭力搜求，不厭其詳，惟恐同人知識有限，網羅或有未盡，用特徵求

海內同道及讀者諸君，如承以良方見示，俾在本欄公佈，以廣流傳，藉光篇幅，無任感荷翹企之至，

二，本部自即日起，增聘外勤事務員，擔任義務採訪，對於醫界消息，務期翔實靈通，以及介紹良醫良藥一切事項，總之本部為服務社會，不惜犧牲時間，及個人精力，但期於社會大眾，聊裨裨益，以盡我國醫之天職，他非所計耳，區區下忱，即希各界垂察是幸。

國醫正言社會義務部

陳澤東 啓  
齊志學

### ▲驗方▼

婦女病驗方輯要初輯，業已登竣，續輯尚在整理中，一俟脫稿，當繼續披露，附此聲明，編者謹啓

### ▲婦人雜病驗方

于壽恒錄集

○婦人陰癢或生溫瘡 蛇床子一兩，艾葉明礬五倍子杏仁各五錢，川連三錢，煎水先薰後洗即愈，又方，桃仁搗爛，用綿裹塞之，又方，用鯽魚切片，以稀布裹納陰戶內，其蟲自出，盡入布眼，治二三次以出盡不癢為度，再用蛇床子朴硝各五錢，煎水二碗，洗瘡拭乾，以乳香沒藥各錢半研末，加枯礬六分，擦之尤妙，

○女子小戶嫁痛，海螵蛸炙黃去甲研末，酒調服二錢，三次即愈，或以木耳一兩，煮精肉食三四日效。



○陰痛 以青布裹鹽熨之，即愈，

○交感血出 土炒白朮熟地各一兩，人參山萸肉各五錢，茯苓芥穗車前子酒炒各三錢，黑姜一錢，黃柏五分，水煎連服四劑效，十劑全愈，須戒房事百日，

○乳頭腫硬 用鹿角尖燒灰存性，研細末，酒調服二錢，外用葱白搗爛敷之即愈，若結乳腫痛，蓮蓬桿一把煎湯薰洗，數次即散，或用荷葉桿亦可，又方，用生山藥不拘多少，搗爛敷之，立效，  
○乳癰初起 尙未成形，用生蘿卜連根帶泥，搗爛敷，熱即更易，二三次即愈，又方，用糯米飯塗之，亦效。

○烏髮並生髮方 沒石子打碎，白芷沉香研，附子切，防風旱蓮草丁香零陵排草覆盆子訶子蔓荊子生地各六錢，卷柏一兩二錢，茶油二斤，浸罈中，攪勻封緊，隔水燉一炷香取出，過七日每用數匙搽頭上，久之自效，

○治粉刺雀斑方 大貝母去心，白附子防風白芷菊花葉滑石各五錢，共爲末，用大肥皂十筴蒸熟去筋膜，和藥爲丸，早晚洗面，又方，蜜陀僧，白姜蚕，白芷，白附子，藥本各一兩，研末，每夜用數錢水調搽面，早起洗之，半月後漸愈，

○鷄眼痛 地骨皮紅花二味，共研細末，麻油調敷患處，其效如神，如成瘡者乾敷，次日即結蓋，又方生葱剖開取有葱沫一邊，貼在鷄眼上包好，三日愈。

○斷產法 故蠶退紙方一尺，燒存性爲末，酒調服下效。  
(編者按，此方有效與否，未經實驗，不可輕用也。)

### ▲醫藥問答

濟南侯建勛君問 志學大主筆先生賜鑒，前奉惠函，敬聆一切，做弟婦此次懷孕，服先生所賜良方，大見效驗，諒無意外之虞，祈釋慮注，賤內經血不調，已有數年之久，病狀係平時即有白帶月經來時，腹中疼痛，兩肋亦脹痛，血色淡黃，來時一二日即無，於又點滴淋漓，夜晚睡眠不安，時有驚悸抽筋之狀，歷服烏雞白鳳丸等藥無效，故近數年來，迄未生育，建勛自揣德薄，恐有絕嗣之憂，而做弟婦亦連孕俱傷，似此當如何補救，敢乞先生費神酌擬一方，以便令內子朝夕調服，亡羊補牢，或未為晚也，專此肅懇，敬請

道安

愚晚侯建勛謹啓十二月十日

編者答 建勛先生覆鑒，接誦來函，藉悉一一，所述尊夫人病狀，諒係衝任虧損氣血虛乏，寒冷因結下焦所致，血色淡黃，夜臥不寧，是其明證也，茲擬養血調經，補心安神之劑，試服五劑，函示並酌，至將來能否生育，則目下殊難預料也，附方於後。

酒當歸三錢 酒炒白芍二錢 炙黃耆三錢 大熟地三錢 雲茯神三錢 龍眼肉二錢 遠志肉錢五 酸棗仁錢五 炒煨木香錢 油肉桂錢 陳橘皮錢五 貢阿膠錢五 燉化兌服

本市徐拙廬夫人問：鄙人現年四十歲，自幼身體頗健，迨中年以還，身體益壯，日漸肥胖，現今行動喘吁，極感不便，有人言食少以致瘦，實行節食，已有半載，至今仍無效果，痰涎益盛，喉嚨時作聲響，呼吸為之困難，鄙人深恐以後再胖，或有危險，因思 先生指導衛生，不遺餘力，伏祈

開示一方，以備常服，藉免隱憂，不勝感荷，此致

志學主筆先生 台鑒

編者答：函悉，尊體過胖，對於日常起居，飲食一切，應有節制，對於牛羊豬肉，雞卵牛乳等，富於脂肪，及動火生痰諸物，均不宜食，烟酒不宜用，平時宜多運動，少睡眠，多食水果青菜，常以化州橘紅噙化，然亦不可過於減食，致身體受傷也，如此行之，持以有恒，雖未必能日見其瘦，亦可保無意外之虞也。

本市邵俊甫君問：敬懇者，前蒙賜給良方，服有數劑，大見功效，現腰痛亦漸輕，不過有時因勞碌過力，尚覺不適，惟念依人作嫁，諸多不便，日與藥爐爲伍，動輒得咎，倘蒙再賜一丸藥方，俾常服之，則感荷 鴻恩，不啻再造之隆矣，肅懇敬叩

志學大主筆先生鈞安

編者答：來函閱悉，清恙漸痊，慰甚，煎藥不便，擬配丸藥常服，亦無不可，茲擬一方，即希查入，方用

鹿角霜 一兩

兔絲子 五錢

枸杞子 五錢

補骨脂 三錢

柏子仁 三錢

酒當歸 三錢

肉苁蓉 五錢

黑小茴 二錢

胡桃肉 五錢

生羊腎 一對

以上各味研細末，以生羊腎杵爛糊丸，如梧子大，每服三錢，白水送下，日二服。

青鎮王國貞君問：敬肅者鄙人嘗涉足花叢，惟從無花柳之症，忽於前者小便患淋，每溺作痛，其色發紅，痛苦難言，經醫院檢查，並無毒質，醫治多時皆用利水之藥迄未獲效，久仰 先生爲病家福

星，濟人救世，社會素著賢聲，用特不揣冒昧，懇乞 速賜一方俾早日脫離苦海，則感德莫名矣，專此敬請

志學鄉前輩大人台安

愚晚王國貞謹上

編者答：國貞鄉兄大鑒，接展手翰，藉悉壹是，所患小便淋漓作痛之症，久醫不愈，既素好冶遊，當無不有毒之理，屢用利水等法，仍不見輕，諒彼等皆認爲濕熱之淋，故未獲效也，以鄙意揣之，當係忍精不洩，房事過度，敗精流入隧道所致也，君試思之，以爲何如，茲擬一方，即希酌服，專覆順頌 台祺

齊志學拜覆

附方 酒大黃<sub>三錢</sub>歸鬚<sub>三錢</sub>炒小茴<sub>錢五</sub>炒桃仁<sub>一兩</sub>生白牽牛子<sub>五錢</sub>桂枝<sub>錢五</sub>牛膝<sub>錢五</sub>

以上各味研細末，韭白汁爲丸，每服一錢，忌烟酒辛辣諸物，並戒房事半載，慎之慎之。

河南彰德劉善萱君問：澤東先生鈞鑒，景仰 泰斗，未遑晉謁，祇以路隔不獲趨前拜 教，殊深抱歉，務懇 鑒原爲幸，敬懇者，近日家 嚴患病，年八十六歲，五六日前，偶染外感，服發汗劑，頭痛背寒已效，近忽覺左腋下脇間，刺痛不止，心中難過，稍動即汗，曾延中醫二三君診治，有云風寒入於少陽，脈見弦虛大主用柴胡半夏人參甘草等藥，未服，於近廿三及廿五日，服杭芍青皮桑枝元胡生梔蓮心天冬茅根陳皮花粉柳片甘草，服以上之藥未效，又服桑皮大黃茅根石斛生梔蓮心，服後大便見溏，手見腫脹，心中仍然難過，稍動即汗，以上病情，莫明真相屬何，懇請

高明賜教賜方，感德無既，肅此敬請

教安

劉善萱鞠躬十一月二十六日

澤東答：善萱先生覆鑒，來件頌仰踰分，實不敢承，敝會同人等創辦國醫正言報一份，係鄙人主編

，內容學說治法，皆極靈驗，凡本報之閱戶，問病徵方者，歷皆隨函答覆，如非本報閱戶，則無暇應徵，今因閣下孝行至誠，故不忍拒絕，於是開會公議，酌擬一方，以盡薄忱可也，按令尊之症，係傷寒誤用涼藥，那竄少陽之故也，當以提邪溫中等法理之，試服再酌，方列後。

柴胡錢五

青皮錢五

蘇葉二錢

葛根二錢

羌活錢

藿葉錢五

附子七分

油桂七分

枳實八分

紫朴錢五

右十味，水二大杯半，煎一大杯，乘熱服，取汗，忌腥冷食物避風。

甯晉李雅斌君問：澤東先生大鑒，久未通候，念甚，敬懇者，鄙人學識淺陋，經驗缺乏，敢冒以疑難質問，尙祈解釋示下，敝村有張君者，於七月間，偶患腹痛，一日數發，每發時繞臍甚，最末疼及右脇和心口下，二便素日難，但小腹堅硬，脈見滑數，此人素有酒好，每發時即飲酒數杯，其疼稍止，後愈疼愈飲，愈飲愈疼，卒至不救，愚臨症措手，不知是何病名，未曾下藥，曾延數醫，有斷爲酒積酒癆，有斷爲慢性絞腸，望先生賜知，並示方劑爲祝，專此順詢  
道安  
鄙人李雅斌上十二月一日

澤東答：雅斌先生覆鑒，久未通函問詢，屢馳遐思，忽現朶雲，快何如之，所問之症，俗名烏嘴痧，爲古書所不載，亦係感受不正之氣，結於腸膜，故攻竄作痛，繞臍痛甚者，以大小腸之膜與臍相連耳，法當驅邪通腸可愈，方列於後。

大黃三錢

川山甲二錢

藿香葉三錢

麻黃三錢

萊豆三錢

右五味，水二大杯，煎一大杯，溫服取汗，避風及響器，忌腥冷食物及房事百日。

國醫正言訂閱單

戶名	地址	期數	書費	日期
		自第 期起至第 期止計 份	計洋 元 角 分	中華民國 年 月 日定

定閱處 天津東門內女學東  
 箭道國醫研究會內  
 定閱者 請將此單剪下填  
 齊附款寄交本刊

郵費在內不另取資報資先惠不收郵票	全年十二冊	零售每冊	冊數
	二元	二角	國內
	三元	三角	香港及南洋
	五元五角	五角	歐美
	半年六冊		
	一元一角		
	一元六角		
	二元九角		

本報對於國產飲料食品廣告價目格外從廉 此表係一期價目登三期以上九折六期以上八折全年七折 (但逐期續登期數未經規定者不在此例) 插圖另議 以上各費一律大洋均須先惠不收郵票	正文後	封皮裏面及目錄前	封皮底面	地位
		十元	十二元	全面
	六元	七元	半面	
	三元五角	四元	全面四分之一	
二元	三元	全面八分之一		
一元五角	二元			

# 本刊編輯部審查員

王世珍

紹蔭

許宗彝

從周

張少仙

品棣

王世鈞

冠華

劉廷文

李鴻儀

劉金詔

張振芝

張靜齋

侯繼志

趙少廷

潘春臺

國醫正言(月刊) 第三十二期

中華民國二十六年一月一日出版

編輯主任

陳曾源

澤東

編輯

周偉

蘇甫 孫鳴山

沈肖卿 趙瑞升  
齊志學 張蘭亭

發行者 天津市國醫研究會

會址

天津市東門內文學東箭道

借用陳宅電話五局一六八九

印刷者 天津益世報館

## 本刊代售處

本埠 外埠

大胡同 江東書局  
北馬路 直隸書局  
法租界 天津書局


大通書局

武清 慶豐棧諸葛希武

上海 四馬路上海雜誌公司  
福州路四三六號大公報代辦部

標

虎



◀ 坡 嘉 新 ▶

● 行 分 津 天 堂 安 永 標 虎 ●

號 九 牌 門 路 號 六 十 二 界 租 法  
三 三 一 四 三 話 電

八 卦 丹

是 却 除 口 臭 除 穢 辟 毒  
仕 媛 交 際 的 仙 丹 ！  
一 各 中 西 藥 號 廣 貨 莊 紙 烟 雜 貨 舖 均 有 代 售 二



是 提 神 醒 腦 止 咳 化 痰  
旅 行 必 備 的 良 伴 ！

萬 金 油

二 招 請 鄉 村 縣 鎮 代 售 處 本 行 特 備 有 詳 章 函 索 即 寄 二  
是 內 服 外 擦 萬 試 萬 靈  
的 家 庭 常 用 妙 藥 ！



是 春 夏 秋 冬 須 臾 莫 離  
的 平 時 衛 生 秘 訣 ！

清 快 水

是 增 進 食 慾 消 風 導 滯  
之 不 二 方 ！  
一 各 中 西 藥 號 廣 貨 莊 紙 烟 雜 貨 舖 均 有 代 售 二



是 清 潔 腸 胃 補 助 消 化  
之 唯 一 法 ！

頭 痛 粉

是 立 止 頭 痛 精 神 助 氣  
之 特 效 劑 ！  
一 各 中 西 藥 號 廣 貨 莊 紙 烟 雜 貨 舖 均 有 代 售 二



是 降 火 疎 風 補 腦 活 血  
之 非 常 品 ！

中 華 民 國 廿 六 年 壹 月 拾 八 日 收 到